

Ambos ta ser sospecha di a maltrata nan compañante

Otro dos miembro di cuerpo policial prohibi pa drenta tur warda di polis

ORANJESTAD(AAN) -- Ayera mainta manda policial a prohibi dos miembro di cuerpo policial pa drenta cualkier edificio di Polis. E decision aki ta relaciona cu posibel maltrato cu e personanan aki a haci contra acom-

pañante. Ta trata aki di un agente policial L. cu ta traha na Departamento di Trafico y e otro ta di nacionalidad Surinameo Z. Informacion cu DIARIO a haya ta muestra cu e prohibicion ta relaciona cu

posibel maltrato serio cu e dos personanan aki a haci contra nan acompañante.

Ta parce cu e aña aki numa, mando policial a cuminsa tuma medida contra miembronan di cuerpo policial cu

ta agredi nan acompañante of casonan similar.

Notabel ta cu e agente L. ayera mainta tabata haciendo investigacion na e lamentabel accidente fatal y despues di esey, el a haye confronta cu e

notificacion di mando policial.

Pa loke ta trata e prohibicion di entrada contra e agente B., DIARIO por a compronde cu ainda tin un investigacion andando.

Buskeda di hoben perdi pa 10 dia caba

Abo a mira Arnold Fingal?

ORANJESTAD (AAN): Actualmente ta worde busca, un hoben kende dia 7 di Januari 2001 a sali for di cas y no a regresa mas.

Ora cu e hoben ARNOLD

RICHINEL FINGAL di 21 aña a sali for di cas, e tabatin un maletin den man y a bisa su hendenan cu e ta bay "pa algun dia". Esaki a socede na cas di su welonan na Con-



Si acaso abo sa unda Arnold Fingal ta, bo ta ser suplica pa

contact famianan na 885807 of contact Warda di Polis.

Benneth lo por keda den Cuerpo Policial pero no por traha como vocero policial

ORANJESTAD(AAN) -- Sub Inspector Benneth lo por keda traha den Cuerpo Policial pero no por sigui cu su funcion di vocero policial. Esaki tabata e ultimo decision cu a cay di mando policial, despues cu sindicato di Polis, SPA, a reacciona riba e decision anterior.

Manera ta conoci, despues di su suspension, manda policial a tuma e decision cu Benneth lo no por sigui forma parti cu cuerpo policial mas. E decision aki SPA a haya demasiado drastico y a bay reuni cu mando policial riba esaki. SPA ta di opinion cu tabatin mas polis cu tambe tabata manifesta y no a yuda pero nada a worde haci contra nan. Ademá no a tuma accion contra e manifestantenan y no ta na su lugar pa bay castiga un funcionario di polis di e manera aki.

DIARIO a combersa cu Eric Zaandam di SPA, kende a duna di conoce cu SPA ta preocupa pa cu cierto decisionnan cu mando policial ta tuma sin consulta cu e sindicato di polis. El a muestra cu manda policial a cambia di nan posicion y a permiti Benneth sigui traha den Cuerpo Policial pero cu e no por fungi mas como vocero di polis. Aparentemente Benneth no ta con-

tento cu e decision aki y e lo ta pensando den cuminsa un caso contra e decision di mando policial.

suelostraat 13.

For di e dia ey, nan no a mire mas. Ademá di esey, su amigonan tambe a laga sa cu nan tin varios dia sin mire.

Awe Minister Glenbert Croes lo anuncia reduccion riba tarifa di "PRIMO"

ORANJESTAD(AAN) -- Informacion cu DIARIO ta dispone di dje ta muestra cu awe mainta durante conferencia di prensa di gobierno, Minister Glenbert Croes lo notifica di e aprobacion cu el a firma ayeramainta mes pa cu reduccion di tarifa di e celular "Primo".

DIARIO por a compronde

cu e reduccion di tarifa ta encera cu e prijs pa yamada di "Primo" durante dia lo bira bao di e 1.25 florin cu e ta actualmente y cu anochi e lo bira bao di 1 florin. Ademá lo bay reduci prijs di e modelo di celular Primo mas caro pa asina e producto Primo bira mas atractivo pa henter pueblo.

RANCA DIENTE DESPUES DI BO DATE!!



TELEFONNAN DI DIARIO
826747- FAX 828551